



27-02-2020

Inatsisartut Suleriaasianni § 37 imm. 1 naapertorlugu Naalackersuisunut apeqquutit imaattut matumuuna saqqummiuppakka:

Naalackersuisunut apeqquutit:

- 1. KNR-ip tamanik sullissinissamik pisussaaffianut sinneruttunut aningaasatigut, inatsisitigut allaffissornikkullu qanoq kinguneqassava Radiukkut tv-kkullu Inatsimmi §48, imm 6 atorunnaarsinneqassappat, pisussaaffinnillu allanik taarserneqarnani?**
- 2. KNR-ip tamanik sullissinissamik pisussaaffianut sinneruttunut aningaasatigut, inatsisitigut allaffissornikkullu qanoq kinguneqassava Radiukkut tv-kkullu Inatsimmi §48, imm 6 atorunnaarsinneqassappat, taamaattorli KNR pisussaataasallissappat aningaasalersorneqarsimasumik aallakaatitassiamik nutaarsiassalerisumik imaluunniit aallakaatitassiamik soqutigintartumik aallakaatitsinnginnermi aningaasaliissutaasimasut aningaasaliisimasorlu nalunaarutigisallissappagu?**
- 3. Qulaani inatsit eqqaaneqartoq apeqquutit 1-imi 2-milu taaneqartutut atorunnaartinneqassappat Naalackersuisut kingunerik allanik soqutiginaatilinnik paasisutissiisinnaappat?**
(Inatsisartunut ilaasortaq Steen Lyngé, Demokraatit)

Tungavilersuut

TV ussasaarutitigut isertitaqarfiusoq tusagassiutini eqqartorneqaqqammivoq KNR-imi sulisut USA-mut angalasimaneranut avataanit tapiisoqarsimaneq peqqutigalugu. Nunami demokratisiumi kissaatiginangilaq nutaarsiassalerisut aningaasalersuisumit sunnerneqartassappata, taamaakkaluatorli nunarsuaq kaajallallugu takusarparput nutaarsiassalerisut ataqqinartut avataanit aningaasalersorneqartartut, soorlu suliffeqarfinniit il. il. Tamanna pisarpoq nutaarsiassaleriffiup tatiginassusia innarlingikkaluarlugu.

Radiukkut tv-kkullu Inatsimmi §48, imm. 6 atorunnaarsinneqassappat toqqaannartumik toqqaannangitsumillu kingunerit suusinnaanersut paasisaqarfigerusuppara. Inatsip atorunnaarsinneqarneratigut aningaasaliissutinik pisarnissamut KNR periarfissinneqassasoq, taamaalinikkullu soorlu paasiniaasartunik tusagassiortunut atorneqarsinnaasunik KNR isertitaniminut ilassutissaqalissaaq. Taamaattorli aamma tusagassiutit kiffaanngissuseqarnerat eriagineqassaaq.

Apeqquutinnut akissutit ullut sulliviit naliginnaasut qulit iluanni tiginissaat qilanaarivakka.